

S A O P Ć E N J E



Generalni revizor gosp. dr. sci. Ibrahim Okanović i zamjenik generalnog revizora gosp. Branko Kolobarić sa predsjednikom ECA gosp. Viktorom Caldeiom

Delegacija Ureda za reviziju institucija u Federaciji Bosne i Hercegovine u periodu od 24. 02. do 25.02. 2016. godine boravila je u Evropskom revizionom sudu (ECA) u Luksemburgu, gdje su se sastale delegacije iz više zemalja u povodu realizacije Projekta paralelne revizije učinka: Institucionalne implikacije revizije učinka i institucionalna organizacija.

Sastanak delegacija održan je u organizaciji Švedskog državnog ureda za reviziju (SNAO), s ciljem razmatranja izgradnje institucionalnih kapaciteta, uključujući uticaj aktivnosti vrhovnih revizijskih institucija (VRI) uopće i način na koji revizija učinka doprinosi boljem funkcioniranju VRI. Delegacije zemalja, učesnica sastanka, postigle su dogovor oko otpočinjanja paralelne revizije učinka (PPA II).

Tokom boravka u Evropskom revizionom sudu, zamjenik glavnog revizora SNAO-a gos. Magnus Lindell obratio se Menadžmentu Ureda za reviziju institucija u Federaciji Bosne i Hercegovine, kojom prilikom se zahvalio na dosadašnjoj uspješnoj saradnji, izražavajući

poštovanje i upućujući čestitke na odličnim rezultatima koje su postigli od osnivanja Ureda za reviziju do danas.

U nastavku Saopćenja je prevod integralnog teksta gos. Magnus Lindell-a, zamjenika glavnog revizora Švedskog državnog ureda za reviziju.

Odjeljenje za ljudske resurse i komunikacije

Poštovani, molim Vas za pažnju!

Ovo neće biti još jedan govor na temu današnje radionice. Zapravo, želim ovu priliku iskoristiti da se zahvalim, i da se oprostim od dvojice naših kolega koji su prisutni ovdje večeras, čiji se mandat približava svojoj konačnici.

Gosp. Ibrahim Okanović, GR u Uredu za reviziju institucija BiH entiteta Federacija BiH, i Gosp. Branko Kolobarić, ZGR u istom Uredu, bili su s nama od prvog dana revizije javnog sektora u BiH, početkom 2000. godine. Biti generalni revizor, i zamjenik generalnog revizora, nije ni malo lagan posao. Ali biti prvi GR i ZGR u zemlji koja ranije nije ni imala takvu funkciju - to je izuzetno težak zadatak. Gosp. Okanović i Gosp. Kolobarić su zapravo uspostavili Ured za reviziju institucija Federacije BiH!

Danas smo radili na temu revizije učinka, pa ću se fokusirati na taj uspjeh: Ured za reviziju institucija FBiH je počeo sa prvom pilot revizijom 2007. godine, i nastavio sa razvojem te funkcije, da bi danas Ured objavljivao 4 do 5 izvještaja godišnje. Uz redovnu godišnju finansijsku reviziju svih korisnika budžeta, danas možemo reći da građani, parlament i svi drugi korisnici izvještaja u FBiH, imaju jedan pouzdan svih potrebnih informacija o stanju javnog sektora u FBiH. Nakon 16 godina službe, primaklo se vrijeme da se moramo oprostiti od Gosp. Okanovića i Gosp. Kolobarića.

Stoga želim iskoristiti ovu priliku da izrazim svoje poštovanje i zahvalnost na odličnoj saradnji koju smo imali tokom svih ovih godina, i da čestitam na odličnim rezultatima koje ste postigli. Želim Vam sreću i uspjeh u vašoj daljoj karijeri i izazovima s kojima ćete se suočiti!



Generalni revizor gosp. dr. sci. Ibrahim Okanović i zamjenik generalnog revizora gosp. Branko Kolobarić sa predsjednikom ECA gosp. Viktorom Caldeiom i zamjenikom glavnog revizora SNAO gosp. Magnusom Lindellom